

百一山房詩集卷四目錄

張貞女詩

并序

詠梅四首

晚眺懷芳谷讀書金粟庵

賀學韓登賢書

書沈歸愚先生楊孝子傳後二首

書桃花扇傳奇後

爲徐佑純題春郊試馬圖

午日溪頭晚歸

題美人罷釣圖

百一山房詩集四目錄

謝德川先生重莅語溪署中話舊

書蕉葉二首柬蒼林

學韓屬題曹芸初秋夜讀書遺照

讀半莊師病中吟賦呈

芳谷以布縷作筆書蠶紙見貽

落花二十律次袁子才先生韻

并引

選拔榜發賀蒼林同客吳山旅館

大雪折竹一枝

梅性喜寒月下以積雪壅盆梅根祝之以詩

覺羅八姑輓詞題素言後



得琴宇秋試捷音東寄

題江南戴兩如小影二首

并引

秋窗書感四首

問芥船疾二首

病起史廣野過慰

送琴宇北上應禮部試

聞蒼林 朝考信志喜

西溪蚤春

龍溪僧送茶筍

喜筆賈陸吉人至

百山房詩集四目錄

二

述哀示琴宇表弟時弟南宮下第歸

一拳山房作

李端叔至二首

以乾菊寄蒼林

衛淇久客潮州書來多不得志語詩以廣之並勸

其歸

紀盜

題施竹田吟稿二首

登黃犢嶺晚過安隱寺

鐵冶嶺酬吳西林過訪時胡二朗汀亦同至

邵思周見顧并詢近狀奉答

以舒明府雲亭蘭藻堂詩還半莊師索杭太史董

浦嶺南集

舟行翹思道中

雪夜寒甚口占

準夷平定

恩詔肆赦恭頌六韻

題湖上酒樓

百一山房詩集卷四目錄

百一山房詩集四目錄

三

蘇州士商

恩詔肆赦恭頌六韻

準夷平定

雪夜寒甚口占

舟行翹思道中

浦嶺南集

以舒明府雲亭蘭藻堂詩還半莊師索杭太史董

題湖上酒樓

百一山房詩集卷四

仁和 孫士毅

補

張貞女詩

八解并叙

女家山茶塢字石鼓村沈邇霞子將迨吉沈氏子死女聞壘而哭母慰諭不止登素車逞竟不返居無何嬰嫗不戒於火女伏柩長號誓與俱燼賴里人奔救柩得出時家中人咸攜筐篋走女扶柩去不一顧已颺風忽轉火不及內寢諸摯物者失無算獨女所完好似封識者聞者嘖嘖稱異云先是女夫之弟無子女日夕禱於祠冀有以嗣夫後久之連舉兩姪女喜且泣徐撫膺曰事

百一山房詩集四

一

畢矣遂卧疾不起計歸沈氏三十載魚肉不御事舅姑必誠必敬臨沒猶執姑手勸弗哀含斂時顏色如生

清河有好女幼許東陽氏凶問突如來女心悲不止

古井無波瀾何以轉轆轤妾念無二三何以將葦蒲

泣血辭阿母阿母不得阻生未識君顏死願依君所

爨火胡不戒星星遂燎原呼天感行路鼻匱出重軒

火近忽反風巾幌無一失回祿亦避嫌不入寡女室

爐香日夕祝幸哉叔有兒含辛訴宗老死耐東陽祠

身後計已定一夕倏示病回首謝尊章未亡人事竟

上告采風使下告著述儒母使金石刻遺此冰雪軀



詠梅四首

馥馥雲縷靄芳叢姑射仙人下碧空骨相自甘茅舍外
品題久在玉堂中多煩霜月三更影無那關山一笛風
等是根株南北異細將寒暖問天工

風過瑤階起玉塵行行索笑又逡巡數枝冷逐梨花夢
一片香浮竹葉春踏月未能窺色相登筴儘可話酸辛
而今且莫矜高格溪上天桃各鬪新

老幹槎枒壓釣磯采蘋清瘦傲環肥即論風韻君原絕
欲擬冰心世恐稀雀啁寒枝和蕊墮蝶穿疎影帶香歸
西山破曉無來躡雪屋詩人蚤啟扉

百山房詩集四

二

翠羽啾啾縞袂涼疎籬掩冉護新粧曲中月落愁笳管
定裏僧回沁石牀伴爾形神惟水竹投余臭味有冰霜
漫從委地增惆悵百草還思藉寵光

晚眺懷芳谷讀書金粟菴

鳴榔歇浦淑晚風掃市塵泠泠魚山唱不隔湖之濬林
煙莽欲墮惆悵煙中人

賀學韓登賢書

才望推同里毛錐竟策勳由來怯小敵

君困童子
試十年

從此

壯全軍餘蔭滋丹桂藏書埒絳雲鄭門多少士得路獨
輸君

書沈歸愚先生楊孝子傳後二首

波心蕩瀟海天昏呼籲聲中帶血痕漫道片颿能出險
孝卿還未定驚魂庾孝卿奉父喪過瞿塘秋水暴漲庾撫心長呼水忽減退與孝子事畧似
嚙指祈神事可憐倚廬獨處幾經年傷心最是西泠路
冷雨鶉聲哭墓田

書桃花扇傳奇後

鐵函史筆費研摩殘局蒼黃感慨多四鎮蟲沙空帶礪

一堂燕雀自笙歌黨魁東漢鈎膺密

謂陳定生吳次尾輩

狎客南

朝怨範瑳

謂阮大鍼輩

賴有菰蘆遺老在暗將清淚滴銅駝

爲徐佑純題春郊試馬圖

百山房詩集四

三

江南三月春融融暖絲煙絮颺晴空
匝趁輝碾香陌叱撥恰暎桃花紅
徐君矯矯人中龍羞逐款段爭雌雄
惜哉投筆徒嘆喑吐氣時復干長虹
小隊嬉春偶然耳衲襠一色如從戎
錦裘繡帽却不御旁觀孰敢鼓胡隴
匆匆結束偏整暇頎身玉立依虬松
虎胸彗尾實異產澗邊洗刷開方瞳
并州健兒控不得蹴踏昂首驕嘶風
梅村老手出新意曹韓以後此最工
僕也頻年困鄉里處仲伏櫪歌聲同
披圖一笑鼻生火安能齷齪居樊籠
上馬橫槊下露布書生絕域寧無功
便擬千金買神駿與君振策盤蟻封
鳴鶻陡作餓鴟叫同時况有曹景宗

語溪曹君新
田館君廳事

午日溪頭晚歸

蒲葉難招楚客魂歸來茅店酒旗昏江鄉事事多搖落

無復青娥鬧里門

童時里中水嬉頗盛晚歸明
燈與紅粧相映今無之矣

題美人罷釣圖

曲欄乍斂指纖纖靚影分明落鏡奩珍重釣絲須卷却
防他餘暖被人拈

謝德川先生重莅語溪署中話舊

玉壘嵯峨錦水清三年零雨不勝情僊鳧還喜飛雙鳥
小草應憐守一莖郭外壺漿迎父老花前藜杖撰門生

百山房詩集四

四

底須側席勞咨訪吏治文章久擅名

書蕉葉二首東簷林

雪中許共袁安卧研比宜供懷素書只有野人多惆悵
終朝斂手看君舒

襟被聯牀話素秋荷花亭上短檠幽井梧葉打甘蕉響

記否西牕一夜愁

學韓屬題曹芸初秋夜讀書遺照

曹係學
韓舅

廬陵千載人中豪讀書秋夜風蕭條晦翁一語更得趣

起弄明月霜天高吾懷此樂嬾未遂晝眠逞逞供譏嘲

柴關剝啄來好友袖攜玉軸古錦韜題籤恰與前人合

展玩陡覺烟雲繚卷中跌坐有靜者兀然似是窮鑄雕
瘦竹一林潭水活殘燈四壁寒蟲號離離桐影漏夜月
謾謾松蓋鳴秋濤按圖一一為指點云是渭陽人已遙
逞時語溪盛文獻世家首數城東曹芸初先生名父子
詞壇掉鞅推前茅三餘鍵戶理鉛槧萬事掩耳同唳
冥搜乃于造物忌歛焉二豎侵膏阿翁痛定倩好手
神情要令空中描至竟秋風與秋雨微吟恍惚傳書巢
我閱斯圖想像久其聲如在魂難招長沙才高本無命
非關鵬鳥能為妖蕭艾榮兮蘭芷萎楚些擬作多牢騷
慨然擲筆發長喟四圍暝色垂簷梢

百山房詩集四

五

讀半莊師病中唫賦呈

病裏時然一寸灰江南腸斷賀方回甘蕉剝後心還卷
古劍埋餘鏜未摧儘有散材收大匠豈應國色阻良媒
古詩國色久在室良媒亦生疑午陰小閣須攤飯豹脚蟲聲晚若雷

芳谷以布縷作筆書蠶紙見貽

妙從枯澁起雲煙彷彿鴻都創體妍浮碧殷紅多不稱
直須新造布頭箋以布頭餘機作箋絕佳見志林

落花二十律次袁子才先生韻

并引

千山綠淨鶻血啼殘三月紅稀馬蹄踏破逐溪風而南
北託溝水以東西半面魂消艷麗詩吟小宋五更腸斷

淒清句譜冬郎自昔騷人爭傳韻事則有青門館裏藏
白燕之名篇

原韻邵君
思周見示

爰於黃絹碑陰附蒼蠅之細響

搓酥滴粉儂自言愁落溷飄茵春原不管拈來片片憑
叅指上之禪散去空空聊繪鏡中之影云爾

小閣春殘倚暮霞故書堆案任歌斜如何薄命同浮梗
也學多情賦落花竹院雨聲黏瘦蝶酒樓人散集昏鴉
風前搖曳渾閒事苦恨飄零未有涯

園花如掃惱蘇州亂點鴛鴦冷瓦溝恩怨定難明皎日
浮沉猶喜附清流多緣天老春垂老豈爲人愁我始愁
剛道大家留取看一聲羌笛度高樓

百一山房詩集四

六

囊霏苦雨偏相攪宛轉芳心強自支淚裏紅羅人不見
魂依青塚月應知從來福命憎他蚤此去風波悔已遲
十二闌干憑欲徧忍看憔悴一枝枝

日暖鶯梭織上林繁華瞥眼又銷沉妖紅曾識崔郎面
老綠空辜杜牧心苑內添毫無復瓣館中滿地有清音
春來何限淒涼意瘦骨支離轉不禁

淋鈴曲譜雨聲潺馬首香囊葬阿環休惹游絲牽意緒
好隨明月落關山病添佳節芳菲後春減踈枝慘澹間
臨別似曾留一語道傍從此不須攀

活色生香絕可憐那堪離緒動經年夢回翠被濺紅淚

舞罷輕綃裊碧煙禪語大乘同幻影因留小果證人天
榮枯我亦平情者每到春歸輒黯然

風過斑斑竹淚香恍疑雲氣暗三湘冷隨燕影浮春浪
細逐楊花糝夕陽漫訝芳安汗糞土曾看老幹歷冰霜
擬將步障重重護只恐勾留更斷腸

似爾身輕合築臺留仙無計也堪哀鶯尋新綠穿林出
蝶戀殘紅帶雨來不信馨香偏有數敢從漂泊再論才
人間要路知多少獨與閒門伴翠苔

颺罷春寒力漸微多情何處點朝衣牡丹亭下端端去
燕子樓頭盼盼歸日暮并愁榆莢盡天涯又見柳綿稀
生來未肯輕磨折故向筵前作意飛

百一山房詩集四

七

惜花怕聽賣錫簫不斷春愁類海潮蜂簇偶然棲弱草
鳳銜尙可到層霄鈿車碾後香成陌瑤島歸時玉作橋
一望錦裯吾亦愛衝泥爭奈雨刁騷

珠箔銀牀夢裏驚臙脂狼籍曉風輕全身欲墮心還顫
半面纔通目已成此日空勞金谷宴明年莫負曲江行
討春人去重回首溪上新添綠漲平

綠楊堤畔舞氍毹卷起紅英漾碧潭薄霧乍迷村遠近
旋風偏遶水東南笠簷香重依稀壓屐齒春濃次第含
不向沈寥和露種任他開落總難堪

花源底用指漁翁短棹重過境已空一縷冰心飄研北
幾番鉛淚落墻東清狂似我宜搖蕩爛漫如君也
更問青青枝上葉不知何計避秋風

傷春鎮日飲亡何入骨相思近最多巫女登臺仍作雨
洛妃剗鞮慣凌波孽緣徒幻非非想短景時翻踏踏歌
可是風流應獲譴歷來殘劫比恒河

芳草依依牽客思彩霞片片散春寒不嫌天未尖風妒
却怪人間冷眼看煙破一犁埋骨易香吹十里返魂難
知君雖離浮埃外點檢初心未肯安

微笑何須問世尊詩翁愁對浣花村珠拋判與螳填穴
玉碎羞將獺補痕乍散似傳天女意半留還戀主人恩
呼童掃却原無奈一徑斜陽靜掩門

淡粧微抹輞川圖呼雨呼晴聽鷓鴣黛綠叢中追昔款
軟紅堆裏悟迷塗捲簾坐久苔痕沒繞樹吟寒酒伴孤
聞說六橋春去也衣香鬢影在西湖

風姿林下最超羣不奈辭條影忽分擘作彩箋翻好樣
剪殘錦段亂迴文幽禽出谷啼朝露仙犬沿籬吠暮雲
怪底年年添別恨別君不恨恨逢君

自是東風作厲階錦城一霎好音乖遽遽斷送林間夢
緩緩兜回陌上鞦韆幻比素娥思入月輕同紫燕欲投懷

情癡引蔓難芟雜憑仗尊前酒似淮
寂寥君已證三身鏡水空明自寫真
秦苑曉粧遺粉澤石家殘步印香塵
乾坤不少懜騰事風月終歸蘊藉人
遮莫楚歌稱絕調媿無白雪和陽春

選拔榜發賀蒼林同客吳山旅館

淡墨標題一色鮮也同天上舞羣仙
宏文久擬三千牘鉅典剛逢十二年
此去選場欣鶴和自來名士必蟬聯
對牀我是聞雞伴憔悴羞看祖逖鞭

大雪折竹一枝

重陰淄淄玉塵灑童子挑蔬足沒踝
此君特立亦健者橫梢打落檐前瓦
根株雖已摧直節故不回譬如志士
身可殺浩然之氣凌九垓君不見垂
楊踈地偏耐雪雪壓風歌終不折

梅性喜寒月下以積雪壅盆梅根祝之以詩

冰雪重重與護持離離踈影動涼颺
屬君長養休憇候恐被桃三李四嗤

覺羅八姑輓詞題素言後

淡泊襟懷清淨身起居敬侍太夫人
揮絃不作箏琶響流水高山自寫真

花間蝴蝶草間蟲集中業海茫茫慧眼空蕭艾偏肥蘭

並瘦年年杜宇哭春風

冰魂合與建靈祠百尺豐碑又一時爾後畏吾村口樹

青青多化女貞枝

令兄雅大中丞
爲卜兆畏吾村

得琴宇秋試捷音柬寄

余生甫齧齟頗亦稱蚤慧讀書下數行輒復及制藝君
時騎竹馬繡襦盤兩髻劣虎與優龍嬉戲繞庭砌束髮
理鉛槧鑽研見精銳後來竟居上微名爲所蔽謬謂不
如卿溫郎肯設誓

借用北齊
孫奉事

自顧漸頽放鈍金資礪厲

君乃過貶貶損商畧到纖細日者槐花黃秋賦向有例橐
筆扣茅齋邀余辨雙扉五度踏名場此役吾自媿旅舍

百山房詩集四

十

燈熒熒風簷星曄曄君意方蓬勃而我轉憔悴

時余力
疾赴試

連牀互示稿奇才寔罕儷陰陽鑄洪爐水火成旣濟

君首

藝以陰陽水火分
疏極爲主司稱賞

立言務去陳冥心出孤詣逢人便呼

詫愛極翻似忌昨朝榜賢書萬口交騰沸文章屬有命

斯言徒負氣誅蕩天門開得路看次第跋鼈逐驂駟難

以道里計中表荷兄事勗哉望子季家慶孰如君堂上

顏正粹功名要及時攬衣搵殘淚

題江南戴兩如小影二首

并引

溪風山雨酌荀鶴之瓦甌菰米蓴羹調季鷹之鱸膾從
來名士多託煙波亦有畸人愛攜蓑笠一朝而五十餘

席手眼原超

漢戴憑事

片刻而四十九枚絲綸畧展爾乃駕

去琴高之鯉釣罷李白之鼇聽流水以移情坐平沙而

覓句神如宏冶不數凝脂髯似茂先何煩纏帛帽胡然

而落大有風吹竿奚事而收行逢夢卜此日圖成魚樂

明戴文進有魚樂圖

君且與我周旋他年譜作樵歌我欲同君問

答

木落西風水國寒攜將苓箬伴漁竿鑑湖煙雨桐江月

都是前身舊釣灘

芒針已引華亭谷竊笠還拋薛澱湖他日訪君撻細漿

夕陽沙步一招呼

百山房詩集四

十一

秋窓書感四首

秋草依然妒敝袍清歌無賴到醇醪任他七氏酣三鬼

不礙劉家薄二豪盛事幾曾同挂壁菲材何敢恨吹毛

只愁花樣番番換長使深閨費剪刀

蟻路千盤莽未央看朱成碧意回皇老奴妄欲婚嬌女

新婦端應惱小郎望去有漿懸北斗興來無炙慰東堂

弦聲霹靂驚秋獵天末哀鴻感故瘡

三十功名未足奇有人破賊豎紅旗賣文不壯妻孥色

使酒空遭故舊疑仰看屋梁判畫虎細攤年申怕鑽龜

繩牀襍被頽唐甚一夜西風鼓角悲

秋水寒鉞枉自磨年年腕底走生罨舌雖在口能言否
壯已輸人奈老何作賦總誇麟角杖談元盡著虎皮鞞
分明一局棋爭劫應悔從前落子多

問芥船疾二首

底事纏綿病偏於蘊藉人擔宜委子弟藥恐悞君臣雅

集丹青在謂十友圖新詩感嘒頻菟枯由造化此語要書紳

入室稱高足騷壇譽卓馳我慚梅未熟爾喜米經篩因

積良由想謀多轉蓄疑前村風日好去去逐駮癡君多思慮

云故

病起史廣野過慰

百山房詩集四

十二

磨蝸身宮最不堪感君清話淚同含詩名通國譏陽五

心事終朝說韋上聲三豈有英雄藏草澤可禁搖落向江

潭臯盧一擲豪猶在只恐當場面目慚

送栞宇北上應禮部試

酒薄香銷唱渭城夜涼耿耿別愁生時錢別謙六堂踈頑於世

真疣贅痛癢如君始弟兄五字河梁催落日一番霜雪

撲前旌看花倘憶狂夫語小立徐聽上苑鶯送余贈君詩有春風

上苑聽啼鶯之句

聞薈林朝考信志喜名列第三

逸足如君乍躡風天衢聲價正隆隆好將綵筆簪三

殿定有新詞播六宮草色難欺袍影綠
藥花忽燦酒鱗紅底須捧檄追毛義
此日娛親已不同半莊師卧疾得捷音即起

西溪蚤春

破曉罷清盥釣絲攜一縷漁舟紛港汊
林煙翳復吐髡柳未抽條渚禽相對舞
繁雲晷不歸散作西溪雨

龍溪僧送茶筍

履綦兩載別龍溪節物多勞手重攜
雀舌山茶封白絹貓頭春筍帶黃泥
六斑與醒劉郎酒一味真充段老蘆
却恐阿師投硬話好叅玉版問端倪
蠻甌志劉禹錫乞白樂天六斑茶解酒高士傳段干木家貧惟筍一味初似叅禪逢硬語周必大謝人送茶句

百山房詩集四

喜筆賈陸吉人至

老秃嘲難解吾軍久不張陸倕貽一束
懷餅到曹君述哀示琴宇表弟時弟南宮下第歸

執手憐余瘦含辛罷舉杯春暉無可報
風木有餘哀淚續三年血除先嚴服未久心寒一寸灰
君歸非得意猶及慰泉

臺去秋得君捷音母喜特甚

一拳山房作

曳履竹籬下脩然辟市囂一弓行藥地
十笏看經寮櫻樹儼如畫
疣琴久不調呼僮汲井水翠釜煮煙苗

李端叔至二首

蒼茫平楚靄朝烟小別西冷又一年賦罷長楊游已倦
不妨且纜上湖船

莫笑蝸廬類隱淪仲翔骨相本來屯
期君暫洗黃塵脚同采秋江雉尾蓴

以乾菊寄蔭林

敗荷亂秋渚西風攪茅廬
治墻倏已綻燦燦黃金如沿籬
穿鹿眼糝徑傍犁鋤野人于畝漚旁多植之
幽人宜服食采采

同園蔬焙以溫磨火裏用青霞裾
甕配露薜風味啗栗魚江南人以茶點茶
我思在遠道軟紅策蹻驢茂才列異等

不得登石渠尺書訴別苦吟詩
忍饑餽迢迢數千里何

百山房詩集四

十四

以表區區京國土云燥霜葩種應疎
緘封託驛使幸弗疑苞苴蚤植乃晚發
北望重踟躕蚤植晚發本鍾會菊賦

衛淇久客潮州書來多不得志語詩以廣之並

勸其歸二首

天涯望斷一沾巾幾載韓山入夢頻
漫道懷才招世忌忌才人是愛才人

南田巖洞恣奇觀菽水登盤怕減懽
書到曲江規令弟山川雖好莫凭闌
君具慶在堂令弟亦行役曲江故及

紀盜

短檠滴雨愴無豫曲彙牀中正擁絮
紈如街鼓聲乍停

探丸暴客來何遽重垣立毀更打門蠹簇蟻屯不知數
列炬儼張太乙軍吐氣便播蚩尤霧罽巾裹首足妖芒
櫛具橫腰森武庫指揮何曾及戴淵劫畧居然學興霸
博故切自言五步能殺人京兆聞名不敢捕主人縮伏如
凍鷺目眙口噤足僵陪子敬空留座上羶仲容并乏竿
頭袴戍卒蒼黃却不前一任羣呼整暇去逸者漸遠追
者驕故作虛聲驚里嫗當途錯愕立限程從事遷延終
負固維虎有俚雉有媒毋迺奸胥實調護鼎湖萬竈坪
通都吁嗟村落那可住側聞西北方治兵光祿塞邊稽
首附遐荒之寇盡掃除却怪門庭滋隱蠹捷書旦夕報
神州草澤豈容仍嘯聚星星之火涓涓泉不憂一家憂
一路擬排閭闔叫九閭轉喉恐觸長官怒

題施竹田吟稿二首

吟箋觸手費推排一卷長攜舊雨齋不是君身有仙骨
那能詩格類枯柴

西泠好手推樊榭狎主盟壇有穆門二老墳頭悲宿草
風流猶幸竹田存

登黃犢嶺晚過安隱寺

地重邱高士登臨歲月違風聲迴斷塔帆影入斜暉古
寺紅墻亞清泉白石圍踟躇梅信度欲附釣船歸

鐵冶嶺酬吳西林過訪時胡二朗汀亦同至

雨後山山走百泉一重樓閣一重煙瘦筇忽挾白雲墮

疑是此間鐵遂僊

楊廉夫居此因自號鐵匡

經義同推井大春楞迦妙諦轉金輪

是夕君談禪旨甚晰

鈍根正

要君提省儂是天涯住劫人

余以被盜寓嶺頭

漏盡香殘燭影偏朗汀譚藝亦蟬聯買隣擬卜清漳宅

恨失區中十萬錢

邵思周見顧并詢近狀奉答

故侯奕葉見清裁直慰窮愁踐草萊遠道人迷三里霧

時方被盜遣人至省未回前溪屋折一聲雷

民居十餘戶同時壓折亦異事也

擬從

百山房詩集四

十六

巖老收殘局怕向昆明認劫灰為爾捲簾墻角看滄桑
不到小飛來

以舒明府雲亭蘭藻堂詩還半莊師索杭太史

董浦嶺南集

仲夏謁講幃環堦凍雨漲妙旨一以宣熱惱歛然鬯

几列芳帙咀嚙悉高唱恍披六銖衣更坐九華帳古香

闕蘭藻蕭疎越塵坱乞歸置懷袖出入相依傍吾郡號

多才誰歟堪頡頏惟杭厲施周跣跋稱葦行穆門既云

殂樊榭羗又喪竹田舊雨齋屹立挽頽浪董浦著作繁

一斑窺方鏡

叶居亮切查蓮坡集載先生方鏡詩餘未曾見

故人汀住橫塘新

編遠見餉云是嶺南詩摩挲神忽王褐夫懼懷寶旋復
撒手放長衢走急足名材貢大匠匹如得俊味先以食
長上距今已匝月銜之終弗忘夙慕太史文北斗衆皆
仰蓬萊領羣仙幽燕推老將行騰事遠游煙雨雜蠻瘴
詼嘲鬼子糕斟酌蟻子醬異才揚天葩家設屏障屈
五或比肩梁陳那敢抗歸裝添陸賈得句獨竒劫醫余
實恨人佗條需滌盪時逢善本書吟情聊一壯舒集久
羈絆臨別還悒快返璧更一瓶開鎖竊所望

舟行翹思道中

衝寒理煙權隔竹響野碓溪樹修疎密攤書乍明晦風

百山房詩集四

十七

過蕩微溫日丸炙蓬背

雪夜寒甚口占

薄酒怯遙夜寒燈耿獨眠長安有貧者此意感前賢蘇
寤神原王袁廬骨更堅竒溫吾敢過爲退一重綿

準夷平定

恩詔肆赦恭頌六韻

薄伐師原壯蠹茲敢不庭窮荒瞻日月甘澤兆雷霆地
靖居延塞天明貫索星金雞剛煥彩青雀最通靈一面
開仁網三旬協帝冀

赦行五百里月徧
三十冀昌黎句

更聞嚴巨慝秋

肅總祥刑

題湖上酒樓

花醉鶯癡二月餘
青帘風過買香車
小樓蝦菜無虛席
閒煞東鄰五柳居

百一山房詩集卷四

百一山房詩集四

六

百一山房詩集卷五目錄

錢王祠三首

西湖四時花游曲

折柳詞送蒼林歸海昌

鳳凰山至南宋女校場

尋南山諸勝過風篁嶺憩慧公禪房

過北郭妙行寺

昭慶寺觀石刻心經弔王昭平先生

靈隱寺借秋閣觀所藏貝葉經

韜光

百一山房詩集五目錄

宿松靄山房

山行憩永福寺

與慧上人話雨冷泉亭上雨止登飛來峯頂看月

出

玉兔冢相傳黃貞父先生瘞兔於此文人游戲所

爲志乘入之以佐談資耳慧上人爲余指示其處

意有所觸輒成長句

湖樓夜坐

淨慈寺齋僧錫

偕慧上人登歡喜巖

萬峯山房坐雨示讓山

西林先生衝雨入山命酒更酌口占再示上人
湖南晚步

題月泉吟社詩後

書萬峯山房壁

望祭殿

閒適次慧上人韻卽送之浙東

訪黃貞父寓林二首

奔雲石

海潮石

一百山房詩集五目錄

二

尋李長蘅寓居

自淨慈放船至茅家埠

朗汀琴宇自苕溪歸訪余湖上

將赴禮闈與蒼林別

鴛湖阻風

雪夜渡太湖

山塘

五人墓

短簿祠

書感

京口

蕪城

淮安懷古

淮陰釣臺

公無渡河

并序

下相懷古

登岱效柏梁體

泰安旅次寄仲兄吳中

梁甫吟

趙北口

百山房詩集五首錄

三

易水行

寓感

夏課

積水潭看荷花偕同年

詠冰

送座主少宗伯介公扈

蹕灤河二首

陶然亭秋禊分得壺字

法源寺雨夜

新年雜詠

門神

爆竹

團圓

歡樂

法源寺看花口占

百一山房詩集卷五目錄

百一山房詩集五目錄

百一山房詩集卷五

仁和 孫士毅 補山

錢王祠三首

節鎮紛紛戰陣秋百年黨錮怨清流坐中容得羅昭諫
已抵東南十四州

淮西碑版字如霜接迹峨眉更擅場千古韓蘇爭手筆
不知世有段文昌

五季衰殘保障才江湖牛斗句能該歐陽史筆僖公誌
不及當時制誥來

西湖四時花游曲

百一山房詩集五

游絲裊空不成雨垂楊小於十三女十三女兒知春愁
蕩得湖波綠如許貼波乳燕飛迴塘萍花初開蘋葉香
傾鬢禪袖不歸去笑指垂楊如我長

裏湖外湖花氣涼花花葉葉原相當游魚東西如識字
却從四角周中央白團扇子遮嬌靨扇底多將方勝疊
回頭悄問比肩人願郎如花妾如葉

長橋短橋水鳴咽露柳風蒲那堪別西風慰體似荀郎
纔解羅襦不知熱舊時歌舞白銅鞮人在西泠西復西
畫徧闌干兩行字水仙祠外玉繩低

畫橋四面琉璃鋪城西雪片如飛鳧明湖一灣作三九

瓊花萬朶消寒圖撥灰刻燭深深語暖玉銷金相爾汝
五紋繡綫是儂心日向郎懷添幾許

折柳詞送蒼林歸海昌

永和隄外峭帆忙黃鶴山前話夕陽只管人間離別事
最無聊賴是垂楊

鳳凰山至南宋女校場

小朝廷已成和議君王尚愛魚龍戲一夜錢塘戰鼓聲
刀光十隊紅霞帔紅羊小劫五百載舊事誰將四朝記
江水徒流南渡悲殘碑閒搨西天寺鳳皇山頂平於掌
故老傳聞紹興季阿監平明喚合圍軍符多刻鴛鴦字

百一山房詩集五

二

就中隊長知誰是結束纖腰工擊刺兩行宮扇陣雲開
頌酒裔孫輦前侍中宮當日吳皇后教戰難忘襲讎事
皂紗尺五裹頭行慚媿君王中興志黃羅棋局空佳識
牛角山河亦何爲中興多付太平翁更遣蕭郎誌符瑞
古來諫獵有賢嬪此事何堪屬釵珥自是官家要縱觀
肯將十二金牌使竭來按壘斜陽外野燒秋空竄山魅
太息劉家國色名立馬吳山思掉臂噫吁噫黃天蕩裡
韓夫人戰鼓如雷動天地

尋南山諸勝過風篁嶺憩慧公禪房

山深欲無路拒客頗高抗客苟能獨來白雲亦相讓古

來學道人所得在幽訪一躅蒼苔梯已出萬綠上石屋
嵌高寒曼陀開寶藏迤西水樂鳴人天發高唱即是證
聲聞觀空亦綺障棲霞更絕竒闔戶近古壙鑄利千官
名畫肚辨未當云是錢與吳溲留所草初名心苟不死
肝肺鏤青嶂至竟歐史遺攷核何足尚乞漿叩慧公龍
泓碧於釀風篠曼寒林傾聽洗色相笑問雪眉翁安坐
得無恙

過北郭妙行寺

北郭尋蘭若閒房卧冷楓船歸河渚月人散寺門鐘細
火分煨芋殘僧話斷蓬馬膝啼損後猶剩賣花翁

百山房詩集五

三

昭慶寺觀石刻心經弔王昭平先生

花宮一夜銅仙淚貝葉能將年月記紅羊小劫閱三朝
眼中碧血佉盧字茄花委鬼何爲者羣盜中原屋殷社
殉君心是菩提心心經百番王司馬褚虞楷法氣深穩
三藐多羅識者寡中朝黨錮燎飛蛾少年沈醉金叵羅
干戈滿地唐天寶裙屐風流晉永和當時遺事聞猶熟
天壤王郎能顧曲自寫西江主客圖爭鈔南部烟花錄
大羅瓊榜名無雙參軍打鵲何清狂最好衣冠借優孟
滿城爭唱蔡中郎

先生好觀劇往往登塲呈藝秋試揭曉方自演琵琶院本聞旋始罷

宕文史如六朝下筆乃薄葦與蕭珍珠小字青瑤管仿

佛輕雲曳絳霄甲申三月傷心史有客相邀同日死至
今紙尾署錢唐不似呼豬狀元里錢唐湖北落日斜丁
家山下冬青花先生葬丁家山殘僧佛屋梅蕭字故鬼秋墳唱
鮑家先生意氣如風雲扁舟一昔迴鄆鄖波濤洶湧欲
豪奪龍女乞寫烏絲裙船頭醉倒作怒詈辟易鱗介何
紛紛篋裡即今義獻在只應妬煞洞庭君先生少時過洞庭湖阻風假寐恍惚見神人冠帔乞書先生責其以波浪相劫引酒怒詈俄而風濤頓平先生引舟去

靈隱寺借秋閣觀所藏貝葉經

毫端火色現金蓮兜率光音第幾年刹利書成容梵隱
佉盧字小抵韋編何來鹿女緘紅怨自許雞園寫綠天
證得語言文字果兜羅妙手總如綿

百山房詩集五

四

善思男亦有鄒枚簪筆龍華會上才三藏微言留玉楮
六朝慧業掃秋槐碧籤點漆參差辨珠典隨繩宛轉迴
誰會寂音尊者意一花一葉見如來

佛前問字媿侯芭欲證阿含義尚賒苑裡經聲多寶樹
卷中墨會妙香花汗青句脫疑飛鳥曳白痕留認縮蛇
爲乞上方功德水洗將老眼趁無遮

貝多風裏禮金經曲屈真如卍字櫺無恙心鐙原慧觀
有情障火總驚霆曼陀寶相文殊院瓔珞花宮墨妙亭
今日粥魚茶板外鬢絲禪榻自惺惺

韜光

幽徑尋聲上聽鐘到上方竹光含雨白篔水入厨涼佛
瘦鐙無燄僧殘髻有霜永懷池上句合署小簞簪

宿松靄山房

齋厨飯熟不驅蠅優鉢香聞最上乘秋樹禿於僧雜髮
野螢明似佛傳鐙聽鐘午夜知深省煨芋空山病未能
獨羨南湖朱檢討肯來老筆掃溪藤

朱竹垞先生詩卷尚存也

山行憩永福寺

野路不逢人藤花紅上竹竹外見精舍疎籬背山麓翠
蔓舞蛟螭修篁蔓絲肉夕梵出其間聲清字可覆雪眉

百山房詩集五

五

七十餘了不徹誦讀語我曹溪禪懵若雉登木且勿談
空空客已聞之熟

與慧上人話雨冷泉亭上雨止登飛來峰頂看

月出

寺門秋暑退檻外萬珠跳澗響猿呼嘯雲移石動搖斷
虹猶帶雨殘月不生潮人外遊方狎巾瓶慰寂寥

玉兔冢相傳黃貞父先生瘞兔於此文人游戲

所為志乘入之以佐談資耳慧上人為子指示

其處意有所觸輒成長句

織阿西行歷參崴妖蠹蝕月玉兔死桂宮羅綺泣無聲

一夜銅槃瀉鉛水朱雀有味白虎反視千年搗藥求長
生不死之藥安用此文人所游戲宋鵲無韓盧校量鷹
犬亦已過况乃若輩如羣狐君不見西溪抔土成幽壙
骨冷權奸名狗葬

湖樓夜坐

過雨僧樓水氣腥隔湖清梵喚人醒山痕不動湖光黑
空外一星流似螢
波影萍風夜二更湖光無月亦空明鷺鷥只揀平沙立
多少紅樓讓曉鶯

曉色如煙夢釀成柝聲沈水隔重城一星蟹火湖南出

百山房詩集五

六

紅到段橋天欲明

不眠端合訪南能

謂慧上人

來趁長明禮佛燈如水蒼苔如

兩客竹房僧語半吳興

亂雲堆裏卷寒沙又見南山雷掣蛇一夜耽憂風色惡
明朝紅藕不能花

殷雷迸地入湖流霧卷雲驅曉未收老樹拜風還拜雨
只除孤塢不低頭

淨慈寺齋僧鍋

銷金鍋鑄鶯花齋僧鍋鑄奸邪建炎南渡劃帶水魂游
釜底猶豪奢金之外臣宋之賊太平翁足愚官家晚年

自知錯摺樣思藉龍象通幽遐羅刹煽韞燄摩司鉅焯
毛喋血肆慘刻煨煉諸將為蟲沙醢彭烹酈作齋供紛
紛猘猢磨其牙鍋中何所有忠義之骨枯如植鍋底何
所有冤獄之氣騰如霞以此功德證善果人天歎息生
恣嗟給孤布金施食地曇花妙會稱無遮仁者之粟壽
者相諸天器蓋多紛拏奈爾秦頭壓日重睽賜厲鬼瞰
其瑕貪汙狼藉是何物腥穢未足飼林鴉東南主者錄
罪過當時私語聞窓紗范金鑄爾北湖北六州之鐵何
如耶

偕慧上人登歡喜巖

百山房詩集五

七

墮地見人天心鐙眩萬狀纏著懈慢國即受煩惱障明
湖有靈照弭權契孤逞遵路得微徑舍舟就幽嶂茸草
泣宿露涼颺挾秋瘴健步磴爭高清聽樵自唱俊侶狎
竺僊止觀悅禪尚慧日曜重岡圓明徹諸相巖在慧
日峯側言
尋歡喜巖一笑絕矜妄離立兩老翁偃偻相揖讓豈是
戴笠交一石形
如戴笠抑亦傾蓋樣邂逅適吾願禮鼠拱相向
鬢眉綠如此各自告無恙未知相逢來人世幾幽壙千
秋兩石交欲別轉側愴回首語上人歡喜各無量

萬峰山房坐雨示讓山

坐雨耽西隱湖頭歸路遮遠人低似樹殘葉落如鴉村

酒纔沾醉盆荷尚試花太初占斷處桐帽是生涯

西林先生衝雨入山命酒更酌口占再示上人
酒天詩地法華臺米汁春浮戒律開別有吾家無等咒
衝風衝雨亦須來

洪鐘法鼓佛燈前牙曠真能別管絃却現寂音尊者相
迦陵仙樂似鈞天

先生精樂律故云

湖南晚步

枝上閒雲笑客忙亂尋詩句遶長廊西風吹老秋山色
落葉不如僧面黃

幽夢初迴觸梵香萬工池上晚鐘涼背人獨向澗西去

百山房詩集五

八

紅芋作花山有霜

第一橋西落日斜沙坳小艇幾漁家不多流水無多屋

遶竹一枝寒碧花

千層樓觀束雲霓率諸天路欲迷一杵蒲牢呼月上

月明飛渡浙江西

題月泉吟社詩後

君不見遺民老作江湖客不願為潮願為汐汐社風流
五百年卷中詩句誰詞伯富春尚賸嚴陵臺越市已無
梅尉宅白雁從南飛朱鳥鳴聲悲十月既望歲丙戌春
日田園雜興詩託名第一羅公福浦陽江上吞聲哭就

中獨有謝參軍蒿目滄波轉平陸空坑一戰軍門愁參
軍睇髮凌滄洲柴市一慟丞相死參軍狂歌棄妻子當
時亡命變姓名那有田園樂桑梓吳溪山水官以深衆
中憔悴還行吟東晉衣冠成跌宕西豳風俗相招尋墨
五笏練七丈詩榜高懸更詩賞騎牛翁來謳擊壤君不
見浙江東上桐江縣石激湍流駛如箭水寒土瘦孕奇
節士氣山心日凝鍊想當吟社校詩時定有橋亭賣卜
硯

書萬峰山房壁

嵐氣沁鼻觀山香松子香三日不到此竹梢高過墻

百山房詩集五

九

望祭殿

北望中原汴水流祠官何處問荒邱空勞南北生辰使
不遣春秋望祭愁割地議成新鬼哭鈞天樂散野雲收
景靈宮殿初成後洪皓歸來話白頭

見宏簡錄

西洛諸陵輦路賒年年祝版進官家湖山已入黃羅局
原廟誰簪白奈花廢苑草荒容牧馬夕陽樹古不棲鴉
更憐北狩流離後朽木鐙檠葬若耶

閒適次慧上人韻即送之浙東

早赴清齋過八關雪眉占斷翠微灣筍纜呶出多成竹
墻可騎過要看山籬缺只將疎樹補圃荒先揀野葵刪

如何又憶湘湖寺明日巾瓶剡曲還

訪黃貞父寓林二首

奔雲石

小蓬萊蓬萊之石凌炎歊雷驚不破風吹不消仙雲一
朶滄山椒雲中濺飛瀑大小明珠跳天寒日瘦雲氣死
墮地凍作青瓊瑤仙侶來招之起作盤秋雕誰歟鞭石
如鞭羊揮斤雲族奔如潮客來見雲不見石石勢欲北
雲南搖雲來拔石石不牢雲怒卷上青天驕蓬萊晏罷
幾千載草荒何處聞廣韶奔雲塌地苔蝕骨秋蟲無賴
吟涼颺

百山房詩集五

十

海潮石

小蓬萊耶小瀛海耶海水久已枯潮痕猶在沙沙石卷
地轟雪車濤頭壓屋驚棲鴉青苔上石看不足海水翻
空作新綠寓林一聽小海唱彷彿龍吟曼蒼玉鳴夷浮
江江聲驕海潮飛上青藤梢數間矮屋擁欲去先生高
卧雲之坳

尋李長蘅寓居

清暉小築藕花時煙水淋漓筆一枝董巨荆關閒派別
一生低首拜西施

三十年華號隱淪畫師還稱釣師貧此中大有黃壚感

強喚雷峯作酒人

自淨慈放舟至茅家埠

殘月墮秋曉荒煙吐沙渚渚尾不見人煙中獨聞語迤
邐過湖灣招邀覓僧侶寒蘆未作花雪意已延竈枯芋
風蕭蕭圓蘋葉滑滑劃波見朝旭弭櫂一容與梵唱流
輕颺冷然向何處重湖阻以深小泊得幽墅漁樵之所
天尋幽乃及子陟巘局遐心舍舟騁孤緒籬萼映雞犬
澗風弄砧杵林空聞妙香逕轉得禪宇一笑有髮僧青
山爲逆旅

朗汀琴宇自茗溪歸訪予湖上

百山房詩集五

二

久客斷知聞飄然話夜分評量雙井水來往一身雲秋
色方如此扁舟獨有君漚波亭子外曾幾坐斜曛

將赴禮闈與蒼林別

回首青鐙屋數椽河干別語更悽然吳山好在誰攜屐
燕市寒多早著綿同董蒼涼愁買犢此行慙媿說先鞭
與君漫把劉蕡媿我作劉蕡已廿年

鴛湖阻風

煙水浩無際孤篷竟夜迷湖波自東下歸夢不能西
十五吳船女瀟瀟暮雨歌鴛鴦湖畔宿頭白奈君何

雪夜渡太湖

舟行一夜無艣聲微光射罇疑天明披衣起坐寒潑水
衾裯著體冰稜生湖波卷雪雪無力湖水翻空作雪色
江城浩渺白無際莫釐峰尖一點黑洞庭縹緲七十二
玉室金堂記神異真靈冠帔有無間驅使魚龍作游戲
遠帆不動空中行近帆欲與飛鴉爭不知到岸更幾里
橫篙已見姑蘇城

山塘

種樹先種花生男先生女花多不嫌紅女多不嫌乳生
女十三餘黃金開口語入門教梳裹出門教歌舞歌舞
不歸來醉倒大腹賈今年買良田明年敞朱戶明年復
明年東風不待汝老大棄路旁顏色賤如土

五人墓

市井五人耳能知此日寃湛盧辭越客緹騎入吳門死
近要離冢生禡常侍魂百年青史在應作黨人論

短簿祠

荒祠終古說琅琊六代風流只暮鴉捨宅暮年知慧業
冷官身後尚鶯花殘僧殿脚鳴茶版治女門前響鈿車
如此頭銜真不惡數行官柳綠成衙

書感

五陵俠客挽吳鉤一峽湛盧解報仇如此少年無賴事

不知身是韋蘇州
襄陽兒女白銅鞮惱亂何嫌醉似泥記取榜門多少字
小時題鳳老題雞

京口

鐵甕城高俯練湖晉陵王氣鑿三吳江山緯繡丹陽記
參佐風流白澤圖北府兵戈遺恨在南徐煙月故人無
新洲蘆荻漁歌起天水蒼涼弔寄奴

蕪城

垂楊垂柳總婆婆娑殿腳三千怨阿麼玉蘂歌殘天欲暮
鯉魚識起水微波牽來錦纜人何處教得瓊簫夜奈何
終古繁華隋苑好卷簾燈比亂螢多

淮安懷古

羽翼無端託夏黃漢家涼法起高皇神仙自古多兵解
雞犬何辜亦暴亡四皓傳疑原譎詭八公此事校荒唐
如何鴻烈高文在不著淮南服散方

淮陰釣臺

誰似王孫泣路隅人間一飯亦軒渠淮流東下垂竿坐
一笑羸秦是鮑魚

公無渡河

并序

唐李白有公無渡河歌行庚辰正月晦日渡清口北行

年四十有一矣逝者如斯臨流生歎作爲長歌反白之意以見志焉

公無渡河下有不測之盤渦公無渡河中有苦饑之蛟
鼉公無渡河公無渡河公不自思公髮已皤長安文章
賤如土白頭枉自遭譏訶公無渡河公竟渡河渡河太
息生迴波悶摩黎山幾萬里騰鷺日月如投梭安能戚
戚戀妻子秋井骨塌鋪青莎景公渡沅左駿沒冶子拔
劍三摩抄鵠踴燕躍出砥柱陽侯爾是何么麼道路傳
言梁相死惠子欲往沈回過呂梁懸流仗忠信王尊叱
馭非坎軻有狐綏綏側耳聽流澌無聲水峩峩公今無
恙渡河去吁嗟奈爾篳篥何

百山房詩集五

十四

下相懷古

斷壕煙水尚蘆中小海歌成正朔風不信故人能慟哭
自來窮士是英雄鞭屍事已殘荆冢嘗膽人方卧越宮
一賜屬鏤千古恨梧桐秋怨滿江東

萬里秦灰掃已空英雄短氣失關中斬蛇里在生荒草
戲馬臺高亦大風但覺楚歌來四面何曾虞裔識重瞳
君王輸與留侯忍忍到杯羹乞太公

登岱效柏梁體

上章執徐春鴻濛驟網獨漉催雙轆車箱撼夢驚豐隆

我行疑到之罘東五更霧卷披青空嶽色下壓車前驄
神飛已上日觀峯口飲山渌如渴虹盤雲峻阪三霄通
奔輪雷破凌鏜鏜下方墟落猶曹曹天雞一叫棹桑紅
竒花芝草如蒿蓬中有阿閣神所訶降婁元枵排紫宮
黃書赤界天人宮金雞彩羽披花纓白雀扇翮欺劉翁
崑崙華岳衡恒蒿雄視南朔東西中封禪七十二代同
曰紀功德誰所龔

國家盛治方郅隆游豫不必矜東封

時巡考禮及六宗望祀晉秩如羣公總攝神鬼矢其功
碧霞元君冠帔從真瘞蒼壁兼黃琮靈妃歌曲鳴笙鏞

百山房詩集五

十五

玉賓趨走搖瓊瑤云云亭亭煙鬟濃瀛博直溯滄房重
璇扉日午鳴銅龍琉璃黃瓦落花紅却來徒御排罡風
乞漿小憩秦時松欲陳明堂兼辟靡相如封禪書誰工
泰安旅次寄仲兄吳中

却從日觀望勾吳匹練東門見得無七十二家封禪記
讀書真媿管夷吾

齋宮吟嘯夜如龍每寫虬枝認岱宗昨日却從壇上過
黃河如帶挂秦松

梁甫吟

梁甫吟哀秦松楚人東炬阿房宮爾獨搃身蔽祖龍輻

輓車上鮑魚死大夫之號亦可恥蒼官屹立天門前神
房阿閣含朝烟吁嗟五大夫不如魯仲連

梁甫吟哀相如男兒乃死消渴疾儒者肯草封禪書題
橋壯志真妄語只解神仙與兒女飛廉桂館秋風來昆
明池水沈劫灰臨邛早死非天忌猶得遭逢漢武帝

梁甫吟哀新甫左太山右亢父俯視丸丸如覆鹵神靈
所窟宅仙官導從羽衣舞渺爾嶠嶠一杯土金泥玉簡
埋神臯封拜豈復知汝曹君不見少室插青漢少海迴
狂濤

趙北口

百山房詩集五

十六

嬾將旅思壓征驂兩月黃塵味漸諳一片漁莊數株柳
又催鄉夢渡江南

纔泮春冰淀一條北人偏解弄輕橈寒煙不斷前村路
流水車聲響過橋

風沙顏色揔糝糊驛路無端似畫圖今日瘦驢蹄漸軟
三千里外蹋春蕪

跳波白小出清渠土銼繩牀覓醉餘一笑馮諼彈鋏坐
不須更道食無魚

易水行

黃金臺高燕市東黃金之氣成白虹黃金能買烈士死

白虹不堪秦王曾易水蕭蕭朔風起碣石宮寒夕陽紫
昭王尚識禮鄒衍太子徒知延死士當時強秦如虎狼
連橫七國多披猖望諸之功亦已矣出關誰與爭毫芒
悲歌祖道咸陽走圖畫中間一七首謀疎不獨劍術疎
可憐乃死醫人手始皇卷甲驅薊邳元英歷室姬娥愁
督亢之圖不足惜智士只惜於期頭

寓感

曾無奢願亦難償篋裡龍吟獨慨慷罔兩鐙前羞問影
鹿盧牀上只迴腸風花才命從頭迓塵土生涯抵死狂
莫笑郎當同鮑老本來傀儡善登場

百山房詩集五

七

論文人海盡騰擎漫擬良金鑄若耶桃李門前原艷色
芙蓉鏡裏總空花已看腐鼠鳴梟嚇肯信鮎魚仕宦誇
聞道曲江年最少題名官塢縮秋蛇

夏課

枯魚銜索有餘哀箝口羞言吐鳳才花樣試翻鴛錦好
歌聲偷學羽衣迴涼蟬已蛻秋前骨銀鴨重然劫後灰
太息閉門蕭寺坐一庭黃雪夢宮槐

積水潭看荷花偕同年

人心如菡萏欲然氣之秋秋心在天地渺矣江湖愁西
風催授衣涼思生熏篝所喜殘暑退那畏塵光浮酒人

聯袂去北郭恣佳游淺水遶土埂枯葦沿芳洲藕花各
自媚翠柄歌中流鈿車走驚霆過處衣香留江南好煙
水花上搖輕舟參寥有佳句吳女多能謳一夢墮塵土
慚媿沙上鷗

詠冰

何計涼堂散鬱蒸晶盤擊出勢峻增即看骨相應無媿
欲稱頭銜笑未能無下不曾知觸熱人前何肯學模稜
分明一種嚴寒色驅盡腥羶几上蠅

送座主少宗伯介公扈

蹕灤河二首

百山房詩集五

七

祖道歌楊柳征塵駐木蘭人從

三殿出鹿自大庖餐行帳垂螭尾峇臺有鳳翰秩宗嫺
典禮人望重三韓

浙水論文地真慚夾袋才上書誰慷慨下第且裴徊祀
輟秋風壯鳴鞭萬嶂開星辰看北極行傍

帝車迴

陶然亭秋襟分得壺字

士有不得意渺然思江湖江湖洵可樂硜硜亦鄙夫西
風吹客衣勸我挈玉壺茅柴酒味薄亦足騰奇觚小亭
面雉堞淺渚生菰蘆夕陽返林薄烟水如三吳有時蘆

花起片片疑飛鳧裙屐南皮會主客西江圖坐中憶南
食巨口吳淞鱸近來直沽蟹差可登庖厨校量侯鯖錄
鋪啜良區區題襟得羣彥同調如笙竽歸來步兵酒更
棄終軍繻

法源寺雨夜

秋寺無人山雨黑榕葉捎檐風自北黃昏蝙蝠撲燈來
如豆寒光紅欲蝕諠諠出出夫何爲非佛非仙非鬼蜮
主人太息指墻陰鬪髀何年瘞其側文皇黷武征高麗
公等鬼雄能殺賊君不見孟蘭高會紙灰飛梵天正施
瑜珈食

百山房詩集五

五

新年雜咏

門神

圖形此日挽凋戈度索山頭故鬼訶甲第眼前方貴盛
功名紙上儘摩挲彈冠自愛新年好謁客無如暮夜多
只有翟公門似水不煩公等與張羅

爆竹

驅儼礫攘九門開贏得兒童買夜回剪紙能邀天上月
張卷真握手中雷搏沙小樣工吹火束竹迴腸易化灰
畢竟轟天何事業老夫新得耳聾來

團圓

良宵三五不成眠聽到團圓更可憐幾日羹湯來竈下
有時膩粉出鐙前鹿盧宛轉搓酥手鈿盒風流說餅筵
却與老饕成悵望那能破鏡上青天

歡樂

一夜東風過御溝泥金春帖寫銀鈎綵牋帖戶都無恙
吉語題門揔莫愁颺得繡幡能婀娜裁來方勝與溫柔
變名只合稱連愛過盡鶯花尚未休

法源寺看花口占

落絮沾泥古佛前行吟嬾趁散花天不應懊惱閒蜂蝶
自要迴身避少年

百山房詩集五

壬

百一山房詩集卷六目錄

釋褐後作

出都

涿州道上

陸行無侶攜水經注車上讀之涿郡酈善長故里也輒題卷尾

河間懷古

荏平道中

彈箏行爲荏平箏伎作也

過舊縣

百一山房詩集六目錄

望穀城山

并序

過東平口占寄都下故人

到家

書先忠烈公傳後

海昌南門外觀潮

齋中讀史雜成

南巡召試授內閣中書紀

恩一首

賣屋嘆

既售所居挈家北上慨拙宦之無聊念故鄉之難

託憮然不能自已於懷示家人一首

泊臨清

貨居

詠物八首元人舊題退直之暇賦之亦有所寄云

爾

焦桐

壺簡

舊劍

塵鏡

破研

百山房詩集六目錄

斷碑

殘樽

敝裘

都下懷人

吳西林先生

查蒼林明經

釋讓山

宋謝文節橋亭卜卦硯歌為查恂叔中丞賦

退直出西苑二首

圓明園直廬曉起

古北口

出關

南天門

鹿尾

牛酪

避暑山莊恭紀

灤河得蘇中正去疾同年書却寄

殺虎行

哨鹿行

入關作

百山房詩集六月錄

密雲詠古二首

消寒雜詠

火判

湯漚

冰牀

花窖

慈仁寺雙松歌

碧雲寺魏忠賢葬衣冠處

摩訶庵

送竈詞

鳳城新年詞六目錄

寓興

題蘇靈芝憫忠寺寶塔頌後

城南看花

乞巧詞

薊邱

九日同人登毘盧閣

萬柳堂讌集以深柳讀書堂為韻分得堂字

長椿寺

罡風

百山房詩集六目錄

四

百一山房詩集卷六目錄

百一山房詩集卷六

仁和孫士毅補山

釋褐後作

儕輩紛紛直紫薇兩行苑柳拂宮衣浪傳水弱鼈難負

翻爲風高鷁退飛

子禮部試名第六

飲羽技曾過七札呼盧戲

已得全緋生憎老大頭願在手板隨人作計非

出都

一別滹沱水風塵欲語誰寒霜欺馬骨歸夢壓鞭絲道
自投虛牝家猶唱伏雌漫言衣錦日老我雪盈髭

馬上讀殘書斜陽畫不如輕裝辭暴客安步抵高車草

百一山房詩集六

地秋來曠沙河潦後淤京華高臥者東馬與嚴徐

涿州道上

蓐人襍被盡囊沙駝圖驢鳴夾道譁初日濛濛涿州路

平林十里霧淞花

霜後瓜壺草舍黃茅柴易酒辣能嘗猪龍遺事無人問

羶笠西風古范陽

陸行無侶攜水經注車上讀之涿郡酈善長故

里也輒題卷尾

鄒衍小九州懸河快俄頃輿圖塞宇內誰能挈要領炎
炎亦詹詹燕說多可屏酈亭倚秋空注書得其梗星宿

委萬派黃流恣馳騁禹書所未及神州所難竟往往限
偏隅鼯鼠飽亦幸中尉乃淹通經流朔荒憬腸胃為江
湖吐納大地影攝詞管闡天原序毫管闡天云云精詣綆汲井眎
班固詳瞻例郭更嚴整慨自歷劫來削竹託殘穎滹沱
與涇洛闕文或疑省故里莽蕭條遺文詠脩警輒欲貢
所疑還如骨在哽趨車塵土中魂夢怯清冷

河間懷古

樂陵臺迴散明駝雉堞蒼茫入嘯歌上郡寒原秦鉅鹿
大河秋色漢滹沱賓僚不數梁園盛絲竹何如孔壁多
日暮客愁遙集處數錢姪女莫相過

百一山房詩集六

二

荏平道中

擊劍懷竒節飛書動劫灰星沈方朔墓雲抱魯連臺碣
石秦宮陷蜚廉漢殿哀悲歌迴落日莽蒼歎雄才

彈箏行為荏平箏伎作也

秋風颯沓哀雁鳴下馬忽聽彈箏聲箏聲出戶初掩抑
有似小鳥鳴嚶嚶賈兒碩腹據高坐公然意氣吞幽并
低鬟匿笑斂袂立醜顏曼睎迴娉婷一聲兩聲緩且輕
花宮漏箭沈銀屏回眸籠袖背明燭颯然繁響搖簾旌
檐花亂落秋雨細十三行柱何冷冷于時八九月孤客
方南征聆音辨徵羽觸我江湖情歌聲愈促絃愈急聲

聲彈落秋空星坐中笑語出絃外雜以拇戰無乃僮等
停酌酒賈客醉喧喧擾耳攢飢蟲客且引滿聽兒語兒
家姓氏同飛瓊十三工織素十五能調羹十六爲人婦
打漿來相迎少年事遊俠遣戍遼陽城玉關萬里去不
返滄波銜石何時平前年寄書至讀罷涕縱橫老死歸
不得忍復相誤卿女蘿與兔絲勿復生交縈可憐阿母
愚逼迫官街行得錢歸來奉阿母買田諸弟皆能耕

過舊縣

秋雲如火燒陸渾反照薄竿爲朱幡川谷號號歸豺獐
曠野呼歎聲如管僕夫獷獷困獸奔東阿漸見人烟屯

百山房詩集六

三

怪石箕踞原壤蹲老樹禿鬣季布髡度棧峯峒將奪門
轉輪偏側多爭墩一條危銜魚在甌四壁深窳蟲處禪
如桎桓立礙足跟如拷棧圈難手援仰首忽聞山鳥言
芙蓉秋色來攀轅續紛萬朶鐵葉翻竿摩百道青蓋擗
窈然深黑壓厚坤萬古之色驚游魂眉目刻劃混沌痕
風雨啜泣盤古墻峰迴健走如風駕况瘁亦欲矢勿緩
車箱入谷驢尾掀土囊噫氣吹以墮出嶺下嶺翻雲根
渴飲幸有溪潺湲道旁草香生芳蓀芻秣早足資驪駟
人生險巇何足論投牀短景催黃昏茅柴劣酒束火溫
却呼傭保語雞豚客從何來車啾啾山色如此老瓦盆

望穀城山 并序

蘇長公謂老人以能忍教留侯故其後卒佐漢高帝以
有天下然則非有大智勇之人當事變倉猝忍亦敗不
忍亦敗矣語云守如處女去如脫兔其守焉忍也其去
焉大智勇也

帖尾垂頭六國馴少年椎底已亡秦神仙物色無他術
也要人間有膽人

過東平口占寄都下故人

爲問車中有布否憑誰骨相卜封侯須知螾首蛾眉後

不碍宮中有宿瘤

東平古無鹽城在焉

百一山房詩集六

四

到家

倒縹花樣已全非西抹東塗作計違四十頭銜悲老大
居人猶道錦衣歸

歲歲牽絲傀儡場郭郎鮑老舞逢場不知同學諸年少
誰向中書食萬羊

書先忠烈公傳後

彭蠡樓船十萬橫傷心江介又論兵削除護衛無晁錯
痛哭文章有賈生左輔妖星纏帝座中丞正氣薄孤城
劇憐歌吹洪都郡碧血千秋繡蔓菁

家傳分明國史誇豫章遺恨慘悲笳宮人環珮留江浦

帝子樓臺付暮霞吳淞披猖猶突豕馮唐談笑已高牙
發姦靖難三人在蔡榜名應籠絳紗

海昌南門外觀潮

百里尋花縣扁舟泊棗林潮雞催旭日海蜃釀秋陰野
埭連吳樹風颿渡越禽怒濤休蓄岸坐待

翠華臨

齋中讀史雜成

芳蘭不當門當門被鋤耳江橘不踰淮踰淮乃爲枳不
鋤亦不變老莊得其旨滔滔苟不竭江湖胡底止千人
之所指可以無疾死衆响尚漂山口舌安足恃弭謗固
有道要自無辨始薜荔爲衣裳佩服萑與苙申申來詈
子彼言亦良是

百山房詩集六

五

鐵可應蕤賓鐸可諧黃鍾柯亭蔡雖竹鼎湖張華桐掄
才不擇地萬物無能蒙士生貴知己此論非窮通顏天
而蹈壽聖哲難爲訏所要識國士如鑿停清空其權能
造命其力能發矇其人爲天人其功補天功橫覽四海
內豪傑歸牢籠神鷹被廣野俊驥嘶長風巖巖何氣象
五岳視三公

川不諱納汙藪不諱藏疾汲汲爲名高轉致失其實從
來自欺心皆從所諱出古之賢達人亦有事樂佚絲竹

在後堂姬侍處密室日食費萬錢徵歌動千鎰據案理
文書食頃事已畢顧其才何如曲謹亦何必不見盧杞
姦婦裙無完匹不見萊公賢聲伎未嘗叱

下士之守法楚得而楚失法吏之舞文狐埋而狐搯縲
綆至公治鞭撻到甯越吾自愛吾鼎何為被乾沒君子
慎語言怨或至銷骨拔劍自驅蠅移鐙頻照蠲植麻去
蓬蒿搜粟去糠粃諱避漢蕙苴史戒楚禱杙卓哉金人
銘守口莫如訥

不見牆上蒿置身自言高鄉曲諸少年輒自矜賢豪求
譽或得毀口舌翻波濤許劭能知人一言為譏褒紛紛
人間世何物李與曹師曠來暗中亦足分秋毫吾儕處
通介於物無所撓孟堅古今表古有今寥寥昌黎戒史
筆奇禍心所恧任文旣不可任事無乃勞投筆出玉門
固也不如超

急行得小舠徒行得劣馬觀人於造次得能償失寡聞
諸老氏旨欲取貴能捨捨富不嗜利捨名不求雅佛言
善知識於物無牽惹是曰慧力勝反視若聾啞不然則
心鐙風來墮其他四十不動心况出章丑下

南巡召試授內閣中書紀

恩一首

西湖汪濊盡恩波

鑿輅南來賦卷阿已遣王珪知制誥不教言偃試絃歌
舍人新樣從矜寵故紙生涯更濯磨傲倖徊翔青瑣闥
得從天上聽鳴珂

賣屋嘆

玉川老屋家鼎湖藕花之洲亦可圖竹竿篴篴魚潑潑
尚有百畝山田租男兒墮地不識字桐扣村裏耕田夫
豈知貧薄有骨相生小襁抱知之無山間黃鶴夜笑我
予舊家臨平在
阜亭黃鶴之東蘆中生計慙疏麤錢唐舊聞冲晦語水
無兵火驚菰蒲天水橋頭五畝宅請鄰祭竈安妻孥去

百一房詩集六

七

年南宮一第反蓬門新樣懸桃符我方刺促不稱意湛
盧劍氣寒三吳緇塵又復上京洛嚴程敦迫如追逋既
無朱暉託妻子况堪阮籍悲窮途東家富兒欲請乞拒
人千里顏杓杓朝來致辭告龜策蔣生三徑宜沽諸靈
氛不言彭咸諾有官無家無乃愚

既售所居挈家北上慨拙宦之無聊念故鄉之
難託憮然不能自己於懷示家人一首

高風萬里刷飛翰多謝旁人袖手看從此并州成故土
况堪日下即長安一官尚校黃金賤下士能支白屋難
只恐燕臺居不易大庖曾否 賜錢餐

泊臨清

檣隨轉漕入臨清插口平明放溜行
濮水鼓琴徵古調漳河袂掩亦秋聲
坐忘紗帽時歌角夢到觚稜日計程
爲報天邊故人道踈狂名已動西京

賃居

補屋牽蘿事全家此最諳賃來天尺五
移住月重三車過雷轟驟牀欹蟻鬪
酣荒寒仍廡下畢竟稱冰銜

詠物八首元人舊題退直之暇賦之亦有所寄
云爾

焦桐

百山房詩集六

八

不與中郎值誰能識曲真故人如落葉之子已勞薪
調自么絃理材還六轡均焦頭多少輩恩澤擬平津

蠹簡

識字無憂患千秋只蠹魚頭銜原典籍鑽穴到中書
薛鼓模糊在秦碑薄蝕餘可憐蟲一世耳食竟何如

舊劍

入越純鉤在游秦七首傳能平天下事真作地行仙
頑鐵星辰上寒芒嶽瀆前永懷唐劍俠聶隱去翩翩

塵鏡

微光脂盃畔塵影暗流蘇明月迴身否佳人反手無鬢

睂猶隱約恩怨已模糊無限刀鏗夢秋風怨并梧

破研

皓首窮經者摩掌鐵亦穿只知心是石無復面如田苔
卧疑秦瓦牆歌認晉磚論文非五鹿折角竟何年

斷碑

高齋開寶晉殘榻那容翻旁落無多字中餘未死魂夕
陽礪牛角山寺嵌僧垣陵谷千秋在傷心峴首言

殘樽

觥政闌珊後黃雞唱便殘茵纔容客唾釵已挂臣冠三
疊歌何急千巡送易乾不妨天下士多作酒人看

百一山房詩集六

九

敝裘

六月羊裘在蒙茸足自豪枉拋慈母線誰贈故人袍領
袖猶寒士襟裾尚冷曹怪來相習慣敝刺亦生毛

都下懷人

吳西林先生

西林擅絕學協律得元旨著書已滿家大聲震里耳廣
韶無凡音脫口辨宮徵直自邃古初考擊究其始陰陽
與開闔脣舌齟喉齒改調或濫聽聞絃析疑似方今盛
功德郊廟肅裡祀闕下庶陳書宮懸見姚姒硜硜守
介節干進以為恥南湖舊煙水白日下西汜逃名朱百

年聞樂阮千里楚然空谷中結轡何能已

查蒼林明經

孔李原通家風義兼師友慨自束髮來縞紵蓋已久吾
家石鼓村楹書支數牖君從丈人行跪作圮下受至今
匡坐處堦石泐如白二十貢成均文名滿人口君族本
崔盧君才特選首俯視餘子輩碌碌直芻狗詎知蘇季
歸裘敝面目黝累年塵棘聞自卯還涉酉紛紛李程等
金印已懸肘茵溷揔偶然飄墮亦何有努力崇名德待
君發矇眇

釋讓山

百山房詩集六

十

佛法未西來高士無所託兀兀忍饑寒荒荒竄邱壑介
子焚林求阮瑀燒山索賴有浮屠宮複壁藏猿鶴讓山
名家子學道無倚著跌坐尊龍降醉叱於菟縛結廬明
湖濱蔬食飽藜藿妙唱禮人天幽吟隕風禪生滅四禪
中微塵吹漠漠太初所幽棲南屏數椽拓此是吾家山
爭墩發大噓休官吾無時公且自行樂坐破幾蒲團且
道錯錯錯

宋謝文節橋亭卜卦硯歌為查恂叔中丞賦

橋亭卜卦日幾字龜策告公白鴈至橋亭卜卦日幾錢
錢畧已非景炎年君不見文陸紛紛海上盡諸陵夜泣

冬青引徒令女子識韓康無復孤臣問詹尹此硯當時
出幽壙記否飛書來馬上惜不逢井中心史鄭所南又
不逢空坑轉戰文丞相丞相軍前五帶生大都降表肯
僉名丞相軍前謝臯羽九鎖山中不見汝團湖坪上血
戰餘研於此地曾飛書建陽市上淚沾臆研於此時色
如墨縣南門外朝天橋疊山祠宇橫煙霄橋亭賣卜當
在此無聊讀易吞三爻有明出土三百載完好如初色
不改雲烟過眼竟來歸前身君是程文海

退直出西苑二首

鸞掖聽宣麻生慙第七車 御溝迴玉竦仙島漾瓊花

百一山房詩集六

十一

學步迴翔久飛書笑語譁歸來西苑晚散每趁宮鴉
畫省含毫出機庭草制迴車聲花下過人影日邊來沙
路纔霏雪瑤階不動埃亦知高處冷散直且銜杯

圓明園直廬曉起

裂帛湖邊水知應碧漢過夢迴金爵影秋冷石鯨波風
色寒鴛鴦霜華帖駕鵝坐聽宮漏轉苑外已鳴珂

古北口

密雲山勢鬱崢嶸控制居庸拱上京蜀道車箱通隻騎
蘇文定古北口詩 髮髯夢中尋蜀道灤河襟帶抱孤城契丹館廢人猶記
楊業祠荒草自生中外一家無戰壘不勞宣撫更論兵

出關

秋色蒼茫扼紫荆
陰山烽火照秦城
白河水繞灤河水
浩浩聲吞右北平

落日黃榆客思紛
思鄉嶺外斷知聞
竭來飲馬長城窟
紅柳千條渡密雲

俯視邊牆落照多
笳聲吹雪湧潮河
紫蒙諸部秋移帳
水草家家散駱駝

庠奚形勝出關雄
扼險檀州九塞通
回首燕臺青一髮
太行北折走遼東

邊城如月度彎環
敕勒歌聲動壯顏
出塞不知天遠近

百山房詩集六

十一

馬前風雨九松山

南天門

一綫遶天門
千峰腳底屯
塞垣牽燕薊
瓊帳散雞豚
帝座呼能應
星辰手可捫
層冰欲銷骨
悽斷旅人魂

鹿尾

從獵驅

行殿烹燔

賜左肴加餐
慚鹿尾負鼎
喻投膠溫語
傳中使餘膏
出大庖鹿鳴
歌未已
華野望螭坳

牛酪

灌頂醍醐味真從出塞嘗流匙甘勝醴冰齒白於霜白
草黃羊路西風哨鹿場紫駝羹可乞何似兕爲觴

避暑山莊恭紀

白檀東去接烏蘭翊衛神京此鬱蟠一自黃圖通九譯
却看元菟扼三韓當關鐵牡秦城壯咽水銅龍漢殿寒
昨日行圍頒大酺木蘭諸部盡臚歡

秋獮年年五輅迎白陀羅海作昆明北門鎖鑰嘶銅馬
西塞湖山吼石鯨

賜得駝峯皆俊味歌來槃木總歡聲長楊羽獵空詞賦
珥筆何曾出塞行

百一山房詩集六

十三

灤河得蘇中正

去疾

同年書却寄

信有琴高赤鯉魚迢迢濡水得相於懸河蘇季子時策
銜袖陳東伏闕書似我頭銜成孟浪知君生計亦麇疎
蔗竿獨速秋風裡醉墨淋漓一起子

殺虎行

羽林健兒氣如虎以身飼虎攫虎怒虎來攫人偃鬼驕
投空怒勢如盤鷗健兒荷鎗側身坐逆上鎗纓向項左
虎來人首著飢涎虎口未開虎腹破枯林白草風蕭蕭
健兒殺虎荒山椒君不見長楊侍從諸年少射得金狨
已賜貂

哨鹿行

圍場縱蕩陰山前野于白駮豪豬顛蒞臺之畝重嘉福
搜索麋暖尋鹿田摧毛飲血紛如雨狐兔草間無活處
草間一鹿游牝來蘆管啣啣作鹿語以鹿囹鹿鹿不知
鹿不見人惟見雌麇集麋聚滿山谷爭逐牝聲就牝宿
豈知解角卸麇裘牝是健兒牡是鹿君不見世間漁獵
更紛紛以汝之皮餌汝肉

入關作

敝裘八月西風裂日色關前澹如雪關前雪色嵯峨間
山上方知復有山驅車叱馭投深井宛轉身如鹿盧綆
霜紅古樹不知名醉纈酡顏接土城入關早有輿僮識
但道官今面上黑

密雲詠古二首

相古洪流大地萍誰從疏仵紀虞庭放流猶自依畿輔
却勝天南有庠亭

白檀州北舊邊屯橫槊當時尚漢臣解破烏桓兵十萬
可堪齒冷捉刀人

消寒雜詠

火判

令僕人才盛趨炎別一流飛騰原火色骨相只焦頭此

日彭亨甚何時熱毒休溫顏人易近未必似長裘

湯溲

牀頭黃面在瓦合夜如何嫁得冬烘客俚將春夢溲團
團能暖老栲栳有迴波爲問溫柔樣傳薪孰最多

冰牀

會得凌波步尻輪可當車牀頭高卧否冰下有人無但
肯臨淵羨終愁彼岸虛牽船吾自穩此樂子非魚

花窖

誰築藏嬌室豐臺正朔風花間無范叔地下有秦宮蛺
蝶寒灰炙臘脂濕土烘心知殷七七吹律轉輕紅

百山房詩集六

五

慈仁寺雙松歌

寺門六月披裘過陰森疑有伽藍訶兩松亭亭蔽火繖
如二尊者肩相摩一株盤空勢欲歇蓋下有花雨零曼陀
攬挈忽作怖畏相鐵騎摩裊揮金戈其旁一株頗偃蹇
一似無意爭高柯又如示現面壁久鬚眉搖綠衣垂蘿
兩松相倚閱人代茫茫日月機投梭蒼髯如此尚健者
眼中二老顏婆娑相傳此松元代植紫蒙舊事誰能覩
劫灰再換到天順莊田百頃金錢多毘盧高閣上突兀
夜深天樂迴葱河萬乘俄傳帝后出紛紛霞帔從仙娥
此時蒼官臺石下俯看陌上馳銅駝揚塵東海快頃刻

却令帝釋嗔脩羅吾聞壽安山頭老松樹蜿蜒勢欲無
巖阿章宗手植已千載明昌之際非傳訛遼金元明歷
塵劫風清梵唄吹杪櫛升沈往事且勿問日來跌坐頭
還科

碧雲寺魏忠賢葬衣冠處

劫灰冷燄落茄花委鬼無靈葬阿翁能頌曹騰惟養子
久留樊嫖誤官家當時瘞狗空埋骨異代神羊有辟邪
天壤文章公等在忍將碑版向誰誇

摩訶庵

羊角風沙裡閒尋選佛場摩訶庵外月來照髻邊霜

百一山房詩集六

十六

送竈詞

年年今夕神上天拜疏兜率天宮前幾家孤寒蚓食藁
幾家狼藉蟻慕羶鳳城人家百萬戶賤子往往厨無烟
俸米無多俸錢薄孺人稚子饑流涎神今歸去莫吾責
須知地主難爲賢有時束濕薪有時煨寒羶有時煮鶴
膈膊就燂炙有時爨桐暴烈聲在絃有時樵青婢雞矢
馬糞生厨煙有時王霸兒蓬頭赤腳竈妾前甘辛臭辣
臣之愆神今哀憐幸勿言續竹斷竹神之篋秣神之馬
草豆全少長羅拜神之筵明年舍人遷未遷閨中暗擲
三金錢

鳳城新年詞

退直歸來酒似淮冬烘頭腦信吾儕纔過十月韡生日
又是僧園鍛磨齋

笑他舞馬揔麈才芻豆多支三品該立仗平明祈穀去
象奴扶上寶瓶來

南鼎燒香逐隊過佛妝依約細娘多要知北地臘脂色
消得東阿作豔歌

花戶油窗第幾層稽棚宛轉勝吳綾夜來漫衍魚龍戲
道是黃河九曲澄

寓興

百山房詩集六

七

一身如虛舟乃以心爲艣飄飄人海中長年良亦苦爾
苦心所耽爾艣力宜努雖有呂梁險忠信乃足怙側媚
或便媚特以身飼虎血肉自狼藉與汝竟何補見幾亦
未然明哲自先覩如水儘滌迴如風莫跋扈吾身行其
間自不與物忤浮沉俯仰中輕重要絜矩豈謂一鈞金
遂勝一輿羽佛曰長惺惺惺惺以爲主波濤雖瀕洞榮
辱只自取

題蘇靈芝憫忠寺寶塔頌後

漁陽鞞鼓動地來潛龍宮闕歆雲開御史大夫安榮國
思藉佛力何爲哉無垢淨光塔幾級瓴甌已閱昆明灰

雷公電女擁仙坐

頌中語

盍不奮怒驅蛇虺顧名思義號

無垢豈不絕倒黃金臺靈芝要亦唐造士褚虞戈脚才
恢恢當時即不罵賊死何為獻諛揚其頰凝碧池頭話
天寶公等遠媿梨園雷禪宗如此乾淨土刀輪火穽汚
莓苔麗沙大石頌功德書生不達良可哀

城南看花

岸水擔泥有幾家東風四月到京華
盛衰轉燭尋常事

試看梁園芍藥花

梁家園花市最感今絕無矣

乞巧詞

明星澹澹風瑣瑣織室斜開銀漢左
今夕何夕牽牛來

百一山房詩集六

六

五色蛛絲買瓜果三揖再拜前致詞
牽牛之巧吾知之巧於負逋償不得
將以烏鵲為伏雌吾今循例尋河渚
不乞牽牛乞織女人間乞巧宜乞花
老眼已罩方空紗人間乞巧宜乞米
曼倩苦饑亦何底黃榆花開白於雪
紫鳳天吳日幾匹乞君一語君自知
不巧於巧巧於拙

薊邱

燕臺不可見況復尋黃金蹇驢衝朔雪
却望燕山岑太行高峩峩諸峰窅以深
東走抱遼海去鳥明夕陰塵沙匝天地
曠然懷古今樂生洵賢豪夷吾非難任
下齊七十餘城郭多陸沈至今望諸墓
宿草矢哀吟鄒子亦名

流遊觀異朋浮秋高霜露白野外傷客心珥筆苦艸歡
登陟思抽簪蟬蛸炫衣裳旦暮淒微忱宦轍何所稅但
見軌痕深竭來感疇昔流涕雍門琴夕陽崦嵫下徒御
歸駸駸

九日同人登毘盧閣

梵樓卓霄漢上與帝釋通丹梯度宛轉玉殿如在空秋
高閔萬象城角迴清鐘僧雛罷禪課揖客凌晨風憑軒
一以望目與飛鳥東蘆溝距咫尺溝水朝琳宮人煙逼
寒色夕照明歸鴻登臨百仞上已覺披心胷西來有本
行戒律精南宗如何繡蟒僧乃在所度中無爲開覺觀
法鼓驚頑聾

萬柳堂讌集以深柳讀書堂爲韻分得堂字

驟雨新荷後重開萬柳堂風流原杜曲烟水自滄浪醉
甚呼歡伯狂來笑渴羌山香歌一曲刺史已無腸

長椿寺

寒暑行北陸層冰摧廣輪斜街泥一尺沙水渲車茵天
寒苦瑟縮退食甫及辰尋幽訪人外古寺知長椿短垣
有嘉樹凍雀栖承塵禪枝嘯天籟梵榻迴古春坐覺白
日迥寂處通高旻戒香叅鼻觀佛號證聲聞巾瓶有深
契了義何能云

罍風

嫦笙只在蕊珠宮
潑水春寒夢未通
纔隔蓬山無路到
一生懊恨是罍風

行雲舊夢揔荒唐
唐銜璧金釭
夜吐芒
別院四圍紅芍藥
記來相見國花堂

不分瓊枝壁樹殘
水絃刺促那能彈
傷心話到靡蕪院
明月來凭舊曲闌

花影橫牕當寫真
流黃清簟已生塵
紅鸞笑倚瑤華裡
愁絕崔徽傳裏人

百一山房詩集卷六

百一山房詩集六



